

**Cyngor Addysgu Cyffredinol Cymru**

**Y Ddeddf Rhyddid Gwybodaeth**

**Canllaw Gwybodaeth**

(Ionawr 2009)

## **Cefndir y Cyngor**

Cyngor Addysgu Cyffredinol Cymru yw'r corff statudol, hunanreoleiddiol a phroffesiynol ar gyfer athrawon yng Nghymru. Mae'n ceisio codi statws addysgu trwy gynnal a hyrwyddo'r safonau uchaf o arferion proffesiynol ac ymddygiad er lles athrawon, disgyblion a'r cyhoedd.

Nod y Cyngor yw darparu llais annibynnol, cynrychioliadol ac awdurdodol ar gyfer y proffesiwn addysgu yng Nghymru ac mae'n ceisio darparu cyngor cynhwysfawr i Lywodraeth Cynulliad Cymru a sefydliadau eraill ynghylch materion addysgu.

Sefydlwyd y Cyngor ar 1af Medi 2000.

## **Y Ddeddf Rhyddid Gwybodaeth a Chynllun Cyhoeddi'r Cyngor**

### Y Ddeddf Rhyddid Gwybodaeth

Derbyniodd y Ddeddf Rhyddid Gwybodaeth Gydsyniad Brenhinol ar 30 Tachwedd 2000, a'i bwriad yw

meithrin diwylliant o agoredrwydd o fewn llywodraeth. Mae'r Ddeddf yn sefydlu hawl mynediad at bob math o wybodaeth "a gofnodir" a gedwir gan ystod o "awdurdodau cyhoeddus" ac yn gosod rhwymedigaethau ar sefydliadau o'r fath i ddatgelu gwybodaeth, yn amodol ar rai eithriadau. Caiff y term "awdurdodau cyhoeddus" ei ddiffinio'n eang iawn, ac yn wir mae'r Cyngor yn dod o dan y gofyniad hwn.

Mae gan unigolion yr hawl eisoes i gyrchu'r wybodaeth a gedwir amdanyn nhw eu hunain ar gyfrifiadur, ac mewn rhai ffeiliau papur, o dan Ddeddf Diogelu Data 1998. Fodd bynnag, mae'r Ddeddf Rhyddid Gwybodaeth yn ymestyn yr hawliau hyn i ganiatáu mynediad at yr holl fathau o wybodaeth a gedwir ganddynt, boed yn bersonol neu'n amhersonol eu natur, yn amodol ar rai eithriadau fel y nodir yn y Ddeddf.

### Cynllun Cyhoeddi – diben a nod

Yn unol â'r Ddeddf, mae gofyn i Gyngor Addysgu Cyffredinol Cymru gyflwyno a chynnal Cynllun Cyhoeddi.

### **Mae'r Cyngor wedi mabwysiadu'r cynllun cyhoeddi model a baratowyd ac a gymeradwywyd gan y Comisiynydd Gwybodaeth.**

### **Y Canllaw Gwybodaeth hwn**

Mae'r ddogfen hon yn ganllaw cyflawn i'r wybodaeth a gyhoeddir fel mater o drefn gan y Cyngor a / neu wybodaeth sydd ar gael i'r cyhoedd.

Mae'r canllaw hwn (y ddogfen hon) yn nodi nifer o faterion allweddol, gan gynnwys:

- y gwahanol ddsbarthiadau o wybodaeth rydym yn eu cyhoeddi neu'n bwriadu eu cyhoeddi;
- sut rydym yn bwriadu cyhoeddi gwybodaeth o fewn pob dosbarth;
- trefniadau'r Cyngor ar gyfer codi tâl mewn perthynas â'i ddsbarthiadau gwybodaeth;
- safonau gwasanaeth y Cyngor mewn perthynas ag ymateb i geisiadau am wybodaeth a'i fecanweithiau i unigolyn gyflwyno apêl pan na fydd yn fodlon.

Cyhoeddir y canllaw ar wefan y Cyngor a chaiff ei farchnata'n helaeth i sicrhau bod y rheiny â diddordeb mewn cael gwybodaeth gan y Cyngor yn ymwybodol o Gynllun Cyhoeddi Rhyddid Gwybodaeth y Cyngor a'r canllaw hwn.

### **Y wybodaeth sydd ar gael gan y Cyngor**

#### Dosbarthiadau gwybodaeth

Mae gwybodaeth y Cyngor wedi'i rhannu'n ddsbarthiadau eang fel y nodir yn y Cynllun Cyhoeddi Model a ddatblygwyd gan Swyddfa'r Comisiynydd Gwybodaeth. Fodd bynnag, i gynorthwyo'r darllenwr, darperir y manylion canlynol hefyd:

- disgrifiad o bob dosbarth gwybodaeth;
- enghreifftiau o'r math o wybodaeth sydd ar gael ym mhob dosbarth;
- sut caiff yr wybodaeth ym mhob dosbarth ei chyhoeddi gan y Cyngor;
- manylion unrhyw eithriadau, y darperir ar eu cyfer o dan y Ddeddf.

Mae manylion llawn y dosbarthiadau gwybodaeth yn Atodiad A.

## **Eithriadau o dan y Ddeddf**

Mae Deddf Rhyddid Gwybodaeth 2000 yn nodi cyfres o eithriadau i warchod gwybodaeth gyfrinachol neu wybodaeth arall lle gallai datgelu'r wybodaeth honno ragfarnu buddiannau'r Wladwriaeth neu drydydd partion.

Mae Cynllun Cyhoeddi'r Cyngor yn ymdrechu i sicrhau bod cymaint o wybodaeth ar gael ag sy'n gyfreithiol bosibl. Fodd bynnag, mae gofyn i'r Cyngor gadw ystod o wybodaeth bersonol, yn arbennig, yn ymwneud ag athrawon unigol ar ei Gofrestr ac yn rhan o'i gyfrifoldebau Safonau Proffesiynol. Cyfyngir mynediad at yr wybodaeth hon i'r cyhoedd o dan Ddeddf Diogelu Data 1998 a rhai o Reoliadau Llywodraeth Cynulliad Cymru. Darperir manylion yn Atodiad A.

## **Sut bydd y Cyngor yn darparu gwybodaeth**

Bydd y Cyngor yn ceisio darparu gwybodaeth mewn nifer o ffyrdd, er mwyn darparu cymaint o hyblygrwydd mynediad i geiswyr unigol ag sy'n bosibl. Ni fydd gwybodaeth ar gael o reidrwydd ym mhob un o'r ffyrdd, ac anogir ceiswyr i gyfeirio at y dosbarthiadau unigol am fanylion.

## **Sut i gael gwybodaeth a gwmpesir gan y cynllun ac ymatebion y Cyngor**

### Gwybodaeth sydd ar gael fel mater o drefn

Mae Atodiad A yn nodi sut caiff yr wybodaeth ym mhob dosbarth ei darparu fel mater o drefn gan y Cyngor. Yn nodweddiadol, ar wefan CyngACC y bydd hyn neu ar ffurf copi caled / electronig fel arfer.

### Gweithdrefnau ar gyfer cyflwyno ceisiadau

Os hoffech dderbyn gwybodaeth gan y Cyngor, p'un a yw'n cael ei chwmpasu gan y cynllun neu beidio, ac nad ydych yn dewis cyrchu'r wybodaeth hon drwy'r wefan, yna dylech gysylltu â ni gan ddefnyddio'r manylion a nodir yn y cynllun hwn.

Wrth ofyn am wybodaeth, dylech gynnwys y manylion canlynol er mwyn cynorthwyo'r Cyngor:

- eich enw a'ch cyfeiriad;
- yr wybodaeth neu'r dogfennau yr hoffech gael mynediad ati/atynt, gan ddarparu cymaint o fanylion â phosibl;
- drwy pa gyfrwng yr hoffech i'r wybodaeth gael ei hanfon atoch, er enghraifft, drwy'r post, ffacs neu e-bost.

## **Safonau gwasanaeth / amser a gymerir i ymateb i geisiadau**

Pan ddaw cais am gopi caled neu gopi electronig o ddogfen a gwmpesir gan y cynllun hwn, bydd y Cyngor yn ymateb, naill ai dros y ffôn, drwy lythyr, ffacs neu e-bost o fewn 20 diwrnod gwaith o'i dderbyn. Mae gan y Cyngor gynllun iaith Gymraeg, ac felly, pan ddaw ceisiadau ysgrifenedig drwy gyfrwng y Gymraeg, darperir ymatebion yn Gymraeg hefyd.

Yn unol â'r Ddeddf, bydd y Cyngor yn cydymffurfio â'r canlynol:

- hawl yr unigolyn i gael gwybod a yw'r wybodaeth yn bodoli;
- yr hawl i dderbyn yr wybodaeth, yn amodol ar rai eithriadau.

Pan na fydd yn bosibl darparu'r wybodaeth y gofynnwyd amdani, oherwydd deddfwriaeth, bydd y Cyngor yn hysbysu'r unigolyn ac yn esbonio'r rhesymau pam.

Mae'r Cyngor hefyd yn ymrwymedig i ddarparu cyngor a chymorth i unrhyw un sy'n ceisio cael hyd i wybodaeth ac mae'n barod i drafod neu egluro materion fel sy'n briodol. Caiff unrhyw geisiadau eu cofnodi ac mae croeso i unrhyw geisydd wirio cynnydd ei gais ar unrhyw adeg.

### **Polisi'r Cyngor mewn perthynas â chodi tâl**

Yn gyffredinol, bydd y Cyngor yn darparu gwybodaeth am ddim, fodd bynnag, os bydd angen gwneud llawer iawn o waith, yna gellid codi tâl ar geisydd. Er enghraifft, gwybodaeth ystadegol grynodol na chaiff ei chynhyrchu fel mater o drefn ac sy'n cymryd dros ddiwrnod gwaith i'w pharatoi. Os penderfynir codi tâl, caiff y sawl sy'n gofyn am yr wybodaeth ei hysbysu am y tâl cyn i'r Cyngor baratoi'r wybodaeth.

Ni chodir unrhyw dâl pan fyddwn yn gwrthod cais am wybodaeth. Ni chodir tâl ychwaith am apêl yn erbyn ein penderfyniad i wrthod cyflenwi'r wybodaeth y gofynnwyd amdani neu pan fyddwch yn cyflwyno apêl yn erbyn y taliadau y byddem yn eu codi arnoch.

Mae'r Cyngor yn cadw'r hawl i godi tâl am gyhoeddiadau copi caled mewn rhai amgylchiadau, er enghraifft, pan fydd stociau presennol wedi dod i ben.

### **Proses cwynion ac apeliadau'r Cyngor**

Os nad ydych yn fodlon ar y ffordd mae'r Cyngor wedi ymdrin â'ch cais mewn unrhyw ffordd neu'r rhesymau a roesom dros beidio â darparu'r wybodaeth y gofynnoch amdani, cewch ddefnyddio proses cwynion ac apeliadau'r Cyngor.

Os nad yw'r Cyngor yn cyflenwi'r holl wybodaeth neu ran o'r wybodaeth y gofynnoch amdani, byddwn yn ysgrifennu atoch yn esbonio'r rhesymau. Os nad ydych yn fodlon, cewch apelio i'r Cyngor i adolygu ei benderfyniad.

Fel sefydliad bach, nid yw'n fwriad gan y Cyngor sefydlu panel apeliadau, fodd bynnag caiff pob apêl ei hystyried yn uniongyrchol gan Brif Weithredwr y Cyngor. Ni fydd y Prif Weithredwr wedi cael unrhyw gysylltiad â'r penderfyniad gwreiddiol mewn perthynas â rhyddhau'r wybodaeth, ac felly, bydd y mecanwaith apelio'n gwbl annibynnol.

Os hoffech apelio neu gyflwyno cwyn, dylech ysgrifennu at y Prif Weithredwr, gan ddefnyddio'r manylion a nodir yn y cynllun hwn. Byddwch yn derbyn cydnabyddiaeth i'ch llythyr apêl o fewn pum diwrnod gwaith ac ymdrinnir ag ef o fewn chwe wythnos waith, a chewch fanylion llawn am ganlyniad yr adolygiad.

Os nad ydych yn fodlon yn dilyn apêl i'r Cyngor, cewch ofyn am adolygiad annibynnol gan y Comisiynydd Gwybodaeth. Dylid cyflwyno ceisiadau am adolygiad gan y Comisiynydd Gwybodaeth yn uniongyrchol i:

The Information Commissioner  
Wycliffe House  
Walter Lane  
Wilmslow  
Cheshire  
SK9 5AF  
Ffôn: 01625 545 700  
Ffacs: 01625 545 510

Os yw'r ceisydd yn dal yn anfodlon, yna gellir cyflwyno cwynion drwy Aelod Seneddol i'r Ombwdsmon. Caiff cwynion eu hymchwilio yn ôl disgrisiwn yr Ombwdsmon yn unol â darpariaethau Deddf 1967.

### **Adborth ac adolygu parhaus**

Mae'r Cyngor o'r farn ei bod yn bwysig bod y cynllun hwn yn ateb anghenion y cyhoedd ac mae'n ymrwymo i sicrhau bod ei Gynllun Cyhoeddi'n cael ei adolygu'n barhaus.

Rydym yn croesawu awgrymiadau am ddsbarthiadau gwybodaeth ychwanegol y gellid eu cynnwys. Rydym hefyd yn croesawu awgrymiadau ynghylch sut gellid gwella'r cyhoeddiadau eu hunain. Caiff unrhyw gwestiynau neu sylwadau eu cyfeirio at gydlynnydd y cynllun.

Bydd y Cyngor yn adolygu manylion y cynllun hwn yn flynyddol ac yn ailgyhoeddi'r cynllun fel sy'n briodol. Yn rhan o'r adolygiad hwn, bydd y Cyngor yn monitro nifer y ceisiadau am wybodaeth nad yw'n cael ei chwmpasu gan y cynllun ac yn ceisio cynnwys gwybodaeth o'r fath yn y cynllun, os nad yw wedi'i heithrio.

Ystyrir bod yr ymrwymiad hwn i adolygu cynllun y Cyngor yn barhaus yn arbennig o bwysig, o ystyried bod y Cyngor yn sefydliad cymharol newydd.

Caiff y Comisiynydd Gwybodaeth ei hysbysu os caiff y cynllun ei newid mewn unrhyw ffordd.

### **Cysylltiadau**

Pwy dylech gysylltu ag ef/hi

Cyfrifoldeb	Pwy dylech gysylltu ag ef/hi
Ceisiadau am wybodaeth a chofnodi cais	Rheolwr y Swyddfa
Uwch reolwr yn gyfrifol am y cynllun (cydlynnydd y cynllun)	Dirprwy Brif Weithredwr (Cymwysterau, Cofrestru a Safonau Proffesiynol Athrawon)
Cwynion ac apeliadau	Y Prif Weithredwr

### Manylion cyswllt

Cyngor Addysgu Cyffredinol Cymru

4ydd Llawr

Tŷ Southgate

Wood Street

Caerdydd

CF10 1EW

Ffôn: 029 2055 0350

Ffacs: 029 2055 0360

E-bost: [information@gtcw.org.uk](mailto:information@gtcw.org.uk)

Gwefan: [www.gtcw.org.uk](http://www.gtcw.org.uk)

## ATODIAD

### Dosbarthiadau gwybodaeth

#### Dosbarth 1 – Pwy ydym ni a'r hyn a wnawn ni

Disgrifiad	Mae'r dosbarth gwybodaeth hwn yn ymwneud â Chyngor Addysgu Cyffredinol Cymru a'r ffordd mae'n gweithredu
Enghreifftiau	<ul style="list-style-type: none"><li>• Gwybodaeth am y Cyngor a'i sail ddeddfwriaethol</li><li>• Y system ar gyfer ethol ac enwebu aelodau i'r Cyngor, Cadeirydd a Dirprwy Gadeirydd y Cyngor *</li><li>• Rheolau sefydlog *</li><li>• Aelodau'r Cyngor a'i Bwyllgorau *</li><li>• Cynllun Etholiadau'r Cyngor *</li><li>• Cod ymddygiad aelodau ac arfer gorau *</li><li>• Cofrestr buddiannau aelodau</li><li>• Agendâu a Chofnodion cyfarfodydd y Cyngor *</li><li>• Strwythur staffio *</li><li>• Manylion cyswllt</li></ul>
Hygyrchedd / eithriadau	Ar gael yn llawn
Sut caiff gwybodaeth ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Mae rhai dogfennau ar gael ar wefan y Cyngor yn <a href="http://www.gtcw.org.uk">www.gtcw.org.uk</a>, gan gynnwys cofnodion cyfarfodydd y Cyngor a manylion aelodau'r Cyngor. Cynhelir etholiadau i ethol aelodau sy'n athrawon i'r Cyngor bob pedair blynedd ac yn unol â hynny caiff dogfennaeth yn ymwneud â'r etholiad ei harddangos ar y wefan ar yr adeg briodol</li></ul>
Iaith	<ul style="list-style-type: none"><li>• Saesneg, ar wahân i'r rheiny sydd wedi'u marcio (*), a fydd ar gael yn y Gymraeg a'r Saesneg</li></ul>

## Dosbarth 2 – Yr hyn a wariwn a'r ffordd rydym yn ei wario

Disgrifiad	Mae'r dosbarth hwn yn ymwneud â gwybodaeth ariannol allweddol a gweithdrefnau ariannol y Cyngor
Enghreifftiau	<ul style="list-style-type: none"><li>• Datganiadau ariannol blynyddol *</li><li>• Atodlen contractau a ddyfarnwyd (dros £1000)</li><li>• Cofrestr Asedau</li><li>• Gweithdrefnau ariannol</li><li>• Gweithdrefnau caffael</li><li>• Strwythur cyflogau a graddau</li></ul>
Hygyrchedd / eithriadau	Ar gael yn llawn
Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Mae rhai dogfennau ar gael ar wefan y Cyngor yn <a href="http://www.gtcw.org.uk">www.gtcw.org.uk</a>, gan gynnwys datganiadau ariannol Blynyddol sy'n rhan o'r Adroddiad Blynyddol</li></ul>
laith	<ul style="list-style-type: none"><li>• Saesneg, ar wahân i'r rheiny sydd wedi'u marcio (*), a fydd ar gael yn y Gymraeg a'r Saesneg</li></ul>

### Dosbarth 3 – Ein blaenoriaethau a'n cynnydd yn eu herbyn

Disgrifiad	Mae'r dosbarth gwybodaeth hwn yn ymwneud â phrosesau cynllunio strategol y Cyngor
Enghreifftiau	<ul style="list-style-type: none"><li>• Cynlluniau Corfforaethol</li><li>• Cynlluniau Gweithredol</li><li>• Adroddiadau Blynyddol a Chyfrifon</li><li>• Safonau gwasanaeth</li></ul>
Hygyrchedd / eithriadau	Ar gael yn llawn
Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Ar wefan y Cyngor <a href="http://www.gtcw.org.uk">www.gtcw.org.uk</a></li></ul>
Iaith	<ul style="list-style-type: none"><li>• Cymraeg a Saesneg</li></ul>

## Dosbarth 4 – Sut rydym yn gwneud penderfyniadau

Disgrifiad	Mae'r dosbarth gwybodaeth hwn yn ymwneud â phrosesau gwneud penderfyniadau'r Cyngor a chofnodion penderfyniadau
Enghreifftiau	<ul style="list-style-type: none"><li>• Cofnodion cyfarfodydd y Cyngor</li><li>• Ymgynghoriadau'r Cyngor</li><li>• Ymatebion i ymgynghoriadau a gynhelir gan Lywodraeth Cynulliad Cymru ac eraill</li><li>• Dogfennau cyngor polisi a ddatblygir gan y Cyngor ar ran y proffesiwn addysgu</li><li>• Crynodeb Ystadegau Blynyddol</li></ul>
Hygyrchedd / eithriadau	Ar gael yn llawn
Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Ar wefan y Cyngor yn <a href="http://www.gtcw.org.uk">www.gtcw.org.uk</a></li></ul>
Iaith	<ul style="list-style-type: none"><li>• Cymraeg a Saesneg</li></ul>

## Dosbarth 5 – Ein polisiâu a'n gweithdrefnau

Disgrifiad	Mae'r dosbarth gwybodaeth hwn yn ymwneud â gweithdrefnau mewnol allweddol a fabwysiadwyd gan y Cyngor mewn perthynas â darparu ei wasanaeth a bodloni ei gyfrifoldebau
Enghreifftiau	<ul style="list-style-type: none"><li>• Y Polisi Cyfle Cyfartal *</li><li>• Polisi'r Iaith Gymraeg *</li><li>• Telerau ac amodau cyflogaeth</li><li>• Recriwtio a dethol</li><li>• Safonau gwasanaeth *</li><li>• Polisi Rheoli Cofnodion *</li><li>• Buddsoddwyr mewn Pobl</li><li>• Polisiâu caffael a chyflenwyr</li><li>• Iechyd a Diogelwch</li><li>• Canllaw Gwybodaeth y Ddeddf Rhyddid Gwybodaeth *</li></ul>
Hygyrchedd / eithriadau	Ar gael yn llawn
Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Bydd rhai dogfennau ar gael ar wefan y Cyngor yn <a href="http://www.gtcw.org.uk">www.gtcw.org.uk</a></li></ul>
Iaith	<ul style="list-style-type: none"><li>• Saesneg, ar wahân i'r rheiny sydd wedi'u marcio (*), a fydd ar gael yn y Gymraeg a'r Saesneg</li></ul>

## Dosbarth 6 - Rhestrau a Chofrestrau

Disgrifiad	Mae'r dosbarth gwybodaeth hwn yn ymwneud â rhestrau a chofrestrau a gedwir gan y Cyngor
Enghreifftiau	<ul style="list-style-type: none"><li>• Cofrestr Athrawon Cymwys Cymru *</li><li>• Y Gofrestr Asedau</li></ul>
Hygyrchedd / eithriadau	<p>Mae Deddf Diogelu Data 1998 a pheth is-ddeddfwriaeth fel Rheoliadau Cyngor Addysgu Cyffredinol Cymru (Swyddogaethau) 2000 (fel y'i diwygiwyd), yn pennu'r wybodaeth y gall y Cyngor ei darparu o Gofrestr Athrawon Cymwys Cymru</p> <p>Mae eithriadau'n berthnasol o dan y dosbarth gwybodaeth hwn. Caiff athrawon unigol fynediad llawn at wybodaeth amdanyn nhw eu hunain ar y Gofrestr Athrawon Cymwys. Caiff cyflogwyr dderbyn is-set o'r wybodaeth hon. Yr unig wybodaeth sydd ar gael i'r cyhoedd yw gwybodaeth ynghylch a yw athro wedi'i gofrestru ai peidio</p>
Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Bydd rhywfaint o wybodaeth ar gael ar wefan y Cyngor yn <a href="http://www.gtcw.org.uk">www.gtcw.org.uk</a>, er enghraifft, caiff y cyhoedd wirio a yw athro wedi'i gofrestru neu beidio drwy'r wefan</li></ul>
Iaith	<ul style="list-style-type: none"><li>• Saesneg, ar wahân i'r rheiny sydd wedi'u marcio (*), a fydd ar gael yn y Gymraeg a'r Saesneg</li></ul>

## Dosbarth 7 – Y gwasanaethau a gynigiwn

Disgrifiad	Mae'r dosbarth gwybodaeth hwn yn ymwneud â gwaith y Cyngor a'r gwasanaethau mae'n eu darparu
Enghreifftiau	<ul style="list-style-type: none"> <li>• Pecynnau cais i gofrestru gyda'r Cyngor ac arweiniad atodol</li> <li>• Gweithdrefnau i gyflogwyr gyrchu gwybodaeth ar y Gofrestr Athrawon Cymwys</li> <li>• Dogfen y Cyngor: Addasrwydd i fod yn Athro Cofrestredig – Gweithdrefnau a Rheolau</li> <li>• Gweithdrefnau a Rheolau Disgyblu'r Cyngor</li> <li>• Hysbysiadau am wrandawiadau safonau proffesiynol sy'n cael eu cynnal</li> <li>• Cyhoeddi gorchmynion disgyblu yn dilyn gwrandawiadau disgyblu a manylion athrawon y tybir eu bod yn anaddas i gofrestru yn dilyn gwrandawiadau addasrwydd</li> <li>• Datganiad Gwerthoedd ac Arfer Proffesiynol y Cyngor a'r daflen ategol <i>Proffesiynoldeb ar Waith</i></li> <li>• Arweiniad a Gweithdrefnau'r Cyngor ar gyfer Gwrando ar Apeliadau Sefydlu</li> <li>• Tafleni gwybodaeth yn ymwneud â gwaith safonau proffesiynol y Cyngor</li> <li>• Llyfrynau gwybodaeth a ffurflenni cais am gyllid datblygiad proffesiynol</li> <li>• Trefniadau i athrawon/ysgolion gyrchu Cyllid ar gyfer Sefydlu a DPC</li> <li>• Cyfnodolyn y Cyngor <i>Addysgu Cymru</i></li> <li>• Gwybodaeth am gyfarfodydd y Cyngor, digwyddiadau ymgynghori</li> <li>• Datganiadau i'r wasg</li> <li>• Deunydd hyrwyddo</li> <li>• Tafleni gwybodaeth gyffredinol</li> </ul>
Hygyrchedd / eithriadau	Mae Deddf Diogelu Data 1998 a pheth is-ddeddfwriaeth fel Rheoliadau Cyngor Addysgu Cyffredinol Cymru (Swyddogaethau) 2000 (fel y'i diwygiwyd), yn pennu'r wybodaeth y gall y Cyngor ei darparu. Mae eithriadau o dan y dosbarth gwybodaeth hwn yn cynnwys y gorchymyn na ellir darparu papurau achosion yn ymwneud ag achosion safonau proffesiynol unigol i'r cyhoedd

Sut caiff yr wybodaeth hon ei chyhoeddi	<ul style="list-style-type: none"><li>• Ar gais ar ffurf copi caled neu'n electronig gan y Cyngor</li><li>• Ar wefan y Cyngor <a href="http://www.gtcw.org.uk">www.gtcw.org.uk</a></li></ul>
laith	<ul style="list-style-type: none"><li>• Cymraeg a Saesneg</li></ul>